



REGIONE AUTÒNOMA DE SARDIGNA
REGIONE AUTONOMA DELLA SARDEGNA



COMUNU DE MARA

Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.

BOGHES E CANNAS -16/17/18 DE SU MESI DE IDAS 2022

In custas diis in Mara est stètia cuncordada sa prima editzioni de “Boghes e cannas”; sa manifestatzioni ponit in arrelata is duas traditzionis musicalis prus de importu in Sardinnia: su cantu a tenore e is launeddas. Chini at apariciau totu est s’assòtziu “Ballu tundu” de Mara chi at cuncordau unu programma arricu de acuntèssius in is diis de su 16,17,e 18 de su Mesi de Idas.

Unu de is acuntèssius prus mannus est stètiu s’arremoni de sa coja antiga maresa de is annus 20.

In s’interis de is diis funt stètias torradas a fai totus is fainas de una coja antiga.

In sa primu dii su sposu est essiu de sa domu se su babu e sa mama acumpangiau de issus e totu po andai a connosci totu sa famillia de sa sposa e a fai is fueddus sigurus, in prus su sposu at donau a sa sposa su cofinu de strexu de fenu pintau cun aintrus is prendas po sa coja. Ant sighiu is passadas de is durcis e de s’arresòliu comenti a cumbidu po custu assiguramentu de coja.

In s’interis in atrus logus acanta si fiant totus is fainas chi funt a ingiru de una coja, su pinnigu de s’arroba, sa prenciadura e s’arrecamu e fintzas sa faidura de is durcis de mìnula tìpicus maresus.

Sa segunda dii est sa dii de sa coja e de totus is acuntèssius: sa calada de is arrobas de domu de su babu e sa mama de sa sposa a sa domu noa de is sposus; sa cuncordadura de sa sposa cun sa bistimenta tìpica maresa; su sposu chi arribat a pigai sa sposa in domu de su babu e sa mama acumpangiau de is sonus de cannas e de ingunis a sa crèsia; is aràtzias de is bixinas e de is mamas de is sposus, su ballu de missa e s’acumpangiamentu fintzas a sa domu noa de is sposus innui ant a bivi po sa vida insoru e s’intregu de is crais.

Po apariciai custu arremoni de sa coja antiga ant pigau parti is assòtzius de Mara: “Nostra Sennor’e Itri” chi ant apariciau sa coja, mentris is assòtzius Assòtziu “Pro Loco Marese”, Assòtziu “Sa cedra”, Assòtziu “Sant’Antonio” ant fatu totus is fainas chi ingiriant sa coja.